

[Augsburg], 2. März 1554

An Johannes Oporinus

UB Basel, Fr. Gr. I 11, fol. 183r.
Steinmann Nr. 677.

S. P. D. Hieronymus Reihing Augustanus Patricius olim discipulus meus et conuictor tuus, te salutare cupit officij causa. Quod quo verecundius faciat, literas a me petijt. Etsi autem occupationes tuas non ignoro: tamen liberalis adolescentis benevolentiam erga te, vt spero, non aspernaberis. De meis rebus per Burtembachium ad te scripsi ἐμπαθέστερον ἵσως τοῦ δέοντος. Sed illam vehementiam, non ex odio tui aut superbia, sed ex iusto dolore meo vel potius metu aemulorum non inani profectam existimes velim. Nam in existimatione honesta de me, posita sunt mea omnino: et existimatio mea pendet ab vno Demosthene et Aeschine. Nam Isocrates ideo minoris aestimatur, quod facilior intellectu esse creditur. Plura non scribo, nisi quod tibi Mercurium κερδῶν καὶ ἐριούνιον quam maxime propicium precor. Vale. Postridie Cal[endas] Mar[tias] Anno 1554.

Hiero[nymus] Wolfius
Tuus.